



列女

明

節婦 尚氏登連妻年十九夫故誓不更適撫幼子成立守節

六十四年嘉靖改元采入武宗實錄明統志

唐氏庠生王清妻年二十九夫故遺子寬甫八歲貧苦萬

狀唐撫子成人守節五十六年清曾孫女適徐有為亦年

少守節其父崇德嘗司訓贛州寄詩勉其女云祖妣唐孀

人婦操誰與伍且喜我女孀亦能肖我祖不愛事繁華真

甘守清苦終始能勉旃香名垂萬古湖廣通志

唐氏鄧希周妻年二十四夫死誓不再適日績紡以撫孤

奉舅姑居喪哀制兼盡湖廣通志

胡氏南潯王宗室朱定燧妻夫亡時年二十二遺長子甫

二歲次遺腹子氏俱撫育成立比鄰兩被火而居獨無恙
人謂節孝所感湖廣通志

李氏... 二十四夫故遺子一鴻三歲女一歲氏
撫孤守節歷五十年有司旌獎湖廣通志

蔣氏... 二十夫亡遺一女或謂
其再適氏號痛誓死守凡五十餘年內外無間言湖廣通志

陳氏... 十九延生亡遺子春蕃南百日
舅姑老家日負氏矢志守節養親撫孤無少怨悔萬麻二

十七年卒壽六十三巡按湖廣御史徐兆魁具題欽賜銀
三十兩建坊並旌其門湖廣通志

黃氏... 亦一女子
四歲男恆生方十月時范年二十九黃年二十七協志

二以撫幼孤黃六十二范七十四卒有司旌其門湖廣通志

王氏... 十六適助助以鬻年高才不事家
人產業賴氏營措之助兩中副榜未幾故時氏年二十九

子幼家貧矢心貞一孀處四十二年七十一歲卒湖廣通志

蔣氏... 二十餘
治家有才畧事巨細咸躬治之卜葬夫於先塋自定其宅

兆滿者莫能易也延名師課其子祿日夜淬厲祿後以貢
生爲武義諭蔣年九十三卒

張氏... 二子景嵩尙幼時有
奪其產者氏力禦之事姑以孝訓子以義至今鄉里稱之

王氏... 以供食用

湖廣通志

侍夫夜讀未嘗先寢典登第未數年與其父同時沒時氏年二十餘內外綜理葬舅范家神葬夫何家冲相去數十里同日畢事撫孤子及其孫五人皆成立年八十三而終

湖南通志

桑氏諸生陳三聘妻年二十餘夫死無嗣翁姑年且老事之甚謹撫一子以繼祀年七十餘卒

湖廣通志

伍氏庠生蔣如柏妻夫亡家貧奉姑教子苦節五十年無間守道及郡縣吏賜絹帛且旌其門壽八十餘子遇春貢生孫向榮進士

湖南通志

劉氏樂善里民周熙妻熙卒氏年二十八生二子教子守志不他適後瑞復歿亦遺二子裔曰裔書氏守志氏同守稱雙節焉崇禎時推官萬某順治時知縣

旌之湖廣通志

蔡氏庠生蔣向登妻登早喪氏尙少女先有二女及遺腹得一子閱五歲子又卒氏堅志守節以績紡自食兄某調以化適氏叱之遂以長女贅陳氏子為後命名本陳教之成立後為郡貢生氏年八十卒

虞氏一瑯妻瑯豪邁善屬文以天啟丁卯副貢奉旨一體入京廷議及歸病卒時氏年二十九子甫數歲氏號痛幾不欲生或諭之曰立孤難死易耳有子可教則汝天不死矣氏遂強起飲食然瑯家固貧甚氏於是日則代人縫紉夜則績紡而給其子學有憐其苦而勸之再適者氏泣曰未亡人非不知旦暮莫度但蒙面事人異日何以見夫地下聞者益嘆其賢後其子虞宜氏年七十餘卒子國鼎

邑庠生

通志

呂氏庠生陳才僑妻年二十三夫歿一子甫五歲氏守撫

之氏本名家女夫亦世族然天性勤儉躬業紡織寒暑不

休教子嚴而有法年八十四終子正諳廩生

湖南通志

周氏唐大發妻年二十五有身甫一月而大發卒家人嗾

其姑欲嫁之氏哀號跪而言曰氏夫雖年少頗忠厚理必

不絕嗣今氏已有身或者天憐亡者生一子未可知也姑

意感而止及期果生男氏矢志嫠居勤紡績自給撫孤成

人

湖廣通志

范氏吏部蔣向榮之副室也事繼姑有孝行年二十七向

榮卒子本生方四歲范勵志守節課子以學時世亂外侮

頻仍氏力能捍禦卒以保全歲饑煮粥以食貧者居家有

禮度內外整肅暮年尙自紡織不懈子本生癸卯鄉舉氏

年七十六卒孫四人岷廩生現博學廩生

湖南通志

蔣氏諸生彭起龍妻起龍家貧及病氏嘗與簪珥買藥並

顧天所以身代起龍病甚語婦曰家貧汝僅一女無子何

以爲計氏泣曰君無慮必不至貽君羞因截髮以示信而

起龍遂卒時氏年二十餘號泣嘔血幾不欲生或慰之曰

汝雖無子有一女足託也於是以及女妻雷姓者若繼嗣然

而自紡績以給朝夕墜中雷氏賢者謀娶之遣一婦語氏

氏號泣而怒斥之謀娶者慚而止明末兵亂氏奉其寡姑

攜女及雷氏子避之崎嶇山谷間嘗袖刀自衛有時飢寒

迫至恬然無怨憤凡守節四十餘年雷卒言其夫姓曰彭

允雷氏教之成立列府庠氏年六十五卒

湖廣通志

婦高氏朱垣薇妻順治四年朱宗子懷順王破永垣薇夫
婦被繫城中三閱月堅潔自全後垣薇置於法氏聞之遂
自經

李氏洛川里民江湧瑞妻順治五年四月十四日有兵過
其鄉姑伍氏攜氏避江家冲兵至見執欲汚之氏曰頭可
斷身不可辱也兵怒殺之其姑救之亦爲所傷幾死
鄰氏東隅人父之昌府庠生僅生氏年十七歸里民王三
仕仕頗饒於財族人覬覦之久矣氏亦無子僅一女久之
乃無一子名標者無何三仕死氏將依撫子以終族入三
然三俊者素不逞幸三仕死遂攘謁其產止以十畝予氏
氏不較也日未亡人得此給餽粥足矣三俊三傑日六博
博飲酒之所攘据者未幾盡矣乃復覓氏所得十畝者而

且欲藉其身以爲利氏知之乃潛歸外氏依孀嫂以居三
俊三傑陰受某狂且金於是設謀以促之歸歸則威逼之
氏知事不可已也陽喜而從並假某事請少緩至夜則
某戶若將寢者於是沐浴正衣自縊而死後縣令李某廉
其事置三俊三傑於理而爲文表其墓

艾氏名山里諸生陸炯燿妻里中兵亂有執艾氏者欲汚
之給曰吾終當從爾然眾中辱我異日何以爲爾婦平
且去第涉河須爾屬執者與乘之馳至深處躍入水死之
李氏明良合妻良合死氏年二十四而翁姑年各七十餘
矣值寇亂翁姑恐其難全令他適聞之憤甚卽取翦抉一
目以示不二家貧業絀滿以給朝夕教子國泰成立知府

孫順

國朝知縣李知清先後旌其門

國朝知縣李知清

先後旌其門

列女

四十一

國朝

婦袁氏諸生張瑞生妻瑞生卒時氏年二十八矢志守節事翁姑教子皆盡其道亂後徙家於鄉貧益甚僅一小園氏日督子孫蒔蔬自給晏如也子與人忿爭必婉辭以謝其人而痛責其子族里咸敬服之年八十二終

呂氏辛興里唐昌奕妻年十九歸昌奕越三歲夫亡遺腹生一子家貧勤紡績給朝夕而課其子以學守節三十餘年子復治郡庠生湖南通志

黃氏楊煥懋妻生二子夫亡時年二十九既葬即就夫墓側建菴曰迴龍日持齋奉佛其中性樂善喜施子馬子江建三齋橋費千餘金氏所捐過半年九十六歲元壽卒康熙甲午舉人宰崇義縣有政聲

湯氏進賢鄉歲貢湯述中女廩生周宣妻年十九適宣生子一應宣五年寇犯境宣避兵山谷間遇賊掠其長子宣力爭之賊揮刃刺其胸宣死於地氏聞率家人奔至遇賊復擄其幼子去氏不顧復昇宣至莊居越三日死時氏年二十四也哀痛欲身殉父述中憐之賫多金馳賊所僅贖其幼子歸而長子則無由得也時餘氛未靖家人奔竄無常危苦備至卒教其幼子成學備於庠氏守節五十年卒年七十四雍正八年習學使嚮以冰蘖清操表其廬乾隆二十一年事實采入通志

王氏江南江甯府溧水縣贈光祿大夫王獻之女御史劉興秀繼妻年十七適劉崇禎十七年興秀歿氏時年十九子居仁甫一感值流寇劫掠承賊氏度不能全用綿絨盛

居仁命僕夜絕而出遊於鄉而氏則閉門懷刃誓死以防賊焉事平獲全教居仁學早歲遊庠孫漢貢成均氏守節五十二年 國朝康熙三十六年卒年七十二乾隆十年請 旌建坊

李氏庠生周景妻歸甫半年而景隨父赴湖北蓋其時南北尙未分闔也比歸既病至祁陽白水而亡方景去時氏已有娠及亡家人猝不以告及氏生子而柩始歸氏號泣幾死既曰夫死而翁姑忍不言不哭者蓋欲安未亡人冀有嗣耳今子甫生而我遽以死謝去則生者誰倚不益傷堂上心乎於是矢志撫其子凡四十餘年氏居近外氏然父母既亡則終身未嘗一往蓋操檢堅定如此卒年六十四

彭氏庠生呂鳴雷妻呂貧而早喪遺男女數人日食或不給氏以鍼黹佐之其男女皆成立為娶嫁如禮年七十卒

馮氏柳景權妻景權死遺子二人俱幼稚氏時方二十二歲而翁姑年老景權喪葬皆氏經營之或欲奪其守因毀容斷髮以示不二於是依其兄馮軫以居勤織紡度日年八十餘卒子二正生宜生孫四蔚荃蕃芬湖南通志

蔡氏李三祚繼室適祚三歲舉一子而夫亡年二十一誓志守節五十餘年子入庠

楊氏辛興里唐守英妻年十八適守英守英嘗夜讀氏則績於側挑燈侍茶終夜無倦守英善屬文屬賦木德抑

楊氏時二十七歲遺一女一子皆穉祚無何翁文繼又

相繼亡氏慘痛幾不欲生久之乃悉出其服飾營棺喪事兩棺一時並瘞一日父憐其幼勸之嫁氏曰翁與夫俱死弱女孤兒茫茫無依苟忍捐棄之而繼而事人天其容我耶誓志守節晝夜辟饋以撫幼孤兵戈亂離完保無恙年七十八卒子登庸庠生女適解元黃佳色孫四

林氏東隅里蔣仕孝妻仕孝家甚貧林以名家女與操持不少懈奉其姑胡氏備盡孝養仕孝卒時林年二十五遺子三撫之成人年八十一宗親欲請旌辭曰蓋棺論定此時尙未也曾孫昌年郡庠生

陳氏進賢鄉魏可學妻可學死遺二子尙在襁褓而家甚貧時氏年二十七矢志守節族姻未嘗見其面惟朝夕閉門績紡不輟教二子皆成立長尙達庠生次尙通孫十

三人多列庠序

湖南通志

龍氏咸陽聖謝步元妻步元卒氏時二十五歲遺三子俱

幼家甚貧有翁年且老或勸之嫁氏泣曰翁孰養子孰撫

耶誓死守節勤績紡或為人縫剪日夜無少息後三子皆

成立而家亦漸興

湖南通志

魏氏庠生呂昌渭妻進賢里人氏歸翁已先亡年二十四

夫與姑同病數日相繼沒遺孤二長雲雲甫三歲次雲華

月餘氏甘貧苦守撫教二孤皆成立且生孫矣守節三十

六年雍正九年請旌時年六十二

蔣氏儒童甘潛妻年二十六潛遊子二長櫻八歲次梅六

歲無伯叔妯娌氏矢志不他適康熙甲寅夏遭擾境氏率

姑攜子避兵龍洞山嘗懷刃自防歷已六十庚申亦如之姑

老傷足氏扶護至死未或一日康熙六十一年請旌
雍正五年氏卒年九十一守節六十七年

留氏廩生劉大謨妾少大謨二十四歲大謨嫡室王無出
氏生二子應澗應潤大謨故時氏年二十八始家縣城鼎
革時流賊相桀及吳逆之變恣行傾屠城居者多不保氏
則與王挾其二子出走凡三徙至福田鄉大木口始奠居
而族強者又覬其財產計絕其嗣氏護視二子跬步不離
一茗飲不外求久之二子無恙事平攜以歸後應澗遊庠
楊氏右營兵丁李二貴妻住郡城北年二十八二貴死遺
二子家極貧姑意氏難守卽剪髮毀容誓不再醮勤績紡
以養姑終其喪葬二子成立凡守節三十三年雍正四年
請旌建坊年六十二

郭氏上園里郭明臺女姜大義妻大義沒氏年二十四孤
成智甫四歲大義無伯叔兄弟舅姑並年老更艱於步履
凡飲食起居惟氏是倚事之未嘗稍懈凡守節三十六年
雍正八年氏年六十一張令濼珂以松節椿年額其門是
年請旌建坊

鄒氏陽東山貢生高汲之側室高林橋鄒福菴之女也順
治五年汲沒氏時年二十二子林方三歲元配章生二子
楸枝繼室張無出氏與張親若姊妹同心撫孤稍長卽延
師課讀楸入監林枝俱入庠凡守節五十四年卒年七十
六雍正八年請旌建坊

蔣氏庠生沈士琬妻唐氏庠生士瑄妻上保里蓮花塘人
康熙四十四年士琬沒蔣年二十八遺孤毅甫四歲旬日

士瑄繼逝唐時年二十六長子復甫三歲次子剛遺腹生
祖姑胡年老繼姑賀復錮疾蔣唐同志守節盡孝養教三
孤皆成立毅復入太學剛入縣庠唐守節三十九年年六
十四卒蔣守節四十五年年七十二卒雍正八年請 旌
建坊

張氏杉木橋民祝上才妻歸七載而上才卒氏時年二十
三子大昌甫三歲舅姑憐其年少家貧論改適氏涕泣嗚
咽語激烈不可奪卒孝養翁姑撫孤子大昌成立雍正十
年請 旌建坊

胡氏胡順誠女庠生蔣子松妻譚塘里人康熙十七年子
松故氏時年二十四孤一元甫半歲氏含哀飲泣歷三年
人未見其嘔笑翁年七十八患病氏躬侍湯藥久之而痊

教子嚴而有法 一元補諸生苦節五十二載雍正八年請

旌建坊時年七十六

唐氏貢生唐年女庠生張士瑛妻名山里人士瑛故時氏
年二十六孤紹夏甫四歲紹孔遺腹生翁患目疾艱步履
氏謹侍湯藥歷十一年不倦事繼姑有加禮課子受學不
惜煩費孫某列 庠守節四十一年雍正八年請 旌時年

六十六

唐氏盛朝綱妻奉義里人康熙四十一年朝綱故氏時年
十九子大封方三歲盛故五世同居有叔九人與大封年
相若氏明敕等分尊卑釐然家事內外皆獨肩之舉家服
其公允大封後入太學氏守節三十四年雍正十三年請

旌建坊時年五十二

李氏楊梓梅妻名山里人年十五適梓梅生二子長登遜甫二歲次登進僅六月梓梅故氏時年十九慷慨明大義奉姑嫜以壽終訓二孤且耕且讀不失其業五世同居訢訢如也乾隆元年請旌建坊凡守節六十年卒年七十九

王氏黃開元妻金灘人年二十二生子自俊夫亡家貧資績紡度日遇時新物必先進翁姑而後自食或有勸改嫁者氏正色拒之翁姑歿鵲衣裙供殮葬哀禮兼至撫孤成人而家亦漸裕守節五十四年卒年七十六乾隆元年請旌建坊

李氏黃正昌妻生二子而正昌沒氏時年二十六甘貧守志繼姑手足癢痺需氏扶持飲食者凡六載姑逝悲痛幾

絕教二子成立守節四十四年年七十卒乾隆二年請旌建坊

何氏王宗傳妻康熙十五年宗傳歿氏年二十四子陞瑛纔九月值家道中落其荼苦殆人所不堪氏卒撫孤成立並其孫皆遊庠凡守節六十一年卒年八十一乾隆二年請旌建坊

劉氏庠生王象奎妻冷水市上里人年二十五象奎沒遺二子氏撫而長之督其從師嚮學長子祚起後舉明經孫臣鄰童時以五經入泮旋食餼凡守節四十二年六十六歲卒乾隆二年請旌建坊

張氏庠生成文治妻東隅里人生二子長一材甫四歲次一亮僅三月而文治沒氏時年二十五家甚貧孝事翁姑

以節終一材早卒生子三彩甫三月婦章時年二十一亦以節終張八十三卒守節五十八年章五十六卒守節三

十五年乾隆二年請 旌建坊

李氏楊子海妻

通志及節婦祠木主但有名而冊卷全遺事實俟再考

呂氏蔣節妻守節三十九年乾隆二年請 旌五年給銀

建坊

柴氏孝廉李玉妻守節六十九年乾隆二年請 旌四年

給銀建坊子夢桂庠生

蔣氏陳禹道妻孝子懷德母也興仁里人氏生前明天啟

癸亥歿於雍正癸卯年百又一歲凡守節七十年懷德遺

腹生爲氏第五子乾隆三年懷德以孝行 旌並列蔣氏

事實時懷德亦八十六矣

袁氏黃國甯妻年二十三國甯故守節五十七年乾隆三

年請 旌建坊

柏氏祁陽縣民柏仁楚女與仁里庠生黃一銘妻年十七

歸黃相夫十三年盡婦道夫病出險資醫治晝夜禱請夫

病篤時以老親屬氏泣許之夫沒奉養翁姑無違禮撫伯

仲各一子承祀夫歿時氏年二十九凡守節三十三年年

六十二卒乾隆三年請 旌建坊

成氏東隅里三坵田成秀字女庠生蔣昌嗣妻昌嗣沒時

氏年二十七姑老有足疾扶持左右終其身不少離撫姪

宏亮爲嗣時方四歲翼而長之比授室生子而宏亮亦天

氏復撫孫其燦教養重至凡苦節五十八年卒年八十五

乾隆四年請 旌建坊

彭氏南阜里栗山彭仁宇女庠生唐儼妻適唐三年生子甫半歲而儼歿氏時年二十勞悴撫其孤及孤十歲復夭復撫姪芝節爲嗣凡守節五十四年年八十一卒乾隆四十年請旌建坊

李氏廩生周雄妻適周三年夫病復三年而沒氏時年二十五有子誠氏撫教之後入庠守節五十五年卒年八十年乾隆五年旌

鄧氏儒童王陞彥妻冷水市人歸陞彥五載夫亡舅姑皆年老氏竭力奉養以終殮葬如禮乾隆五年請旌建坊

子嗣瓊中庚午副榜

漆氏進賢里漆海陽女儒童李沆妻年十七歸沆極得舅姑歡心越二年夫亡父母舅姑憐其少竊議改適氏泣曰

夫骨未寒何忍言此矧有遺腹男也可以承夫祀越三月生子本嵩撫教而玉成之後本嵩暨其三子俱入庠氏守節凡五十三年卒年七十一乾隆六年請旌建坊

唐氏上團里姜成物妻適姜五載夫亡氏時年二十八遺子二長甫二歲次三月與姑皆年老氏仰事俯畜極盡勞悴及翁歿姑且病凡七年未離床褥氏朝夕侍奉無懈教兩子成立長廷輔邑庠次嘉猷太學生氏守節凡五十二年八十卒乾隆八年請旌建坊

雷氏孫啟美妻住河西年二十一啟美沒子占魁生甫百日有祖姑及舅姑皆年老氏盡力孝養而教占魁以學後入郡庠凡守節四十六年卒年六十七乾隆八年請旌建坊

張氏鄧宗典妻豐樂里人宗典故氏時年二十四生子一
彩甫四歲氏矢志不二孝事翁姑撫子成立孫廷桂入邑
庠凡守節六十一年乾隆九年請旌建坊時年八十五
彭氏儒童易有陞妻西成里人氏年二十七時有陞歿遺
二孤長四歲次甫周晬氏苦志鞠育及長嘗典釵環以資
其學長子泰後爲諸生凡守節四十一年乾隆十年請
旌建坊時年六十八

孫氏魏思海妻年十九夫歿遺孤棠甫二月時姑已先亡
翁患氣疾家貧甚每資績紡爲翁延醫調治及歿營辦殯
葬皆獨任之撫棠成立守節三十二年五十一歲卒乾隆
十六年請旌建坊

李氏唐元禕妻西隅里人年二十歸唐姑性卞嚴李事之

曲得其歡未幾翁姑相繼歿而元禕病且篤氏經理喪事
兼醫藥無缺及元禕卒而勺水不入口者數日孤才俶甫
四齡氏時年二十六父母憐其少寡竊議再適氏聞潛投
於河以鄰婦奔救得不死而父母議亦息矢志撫孤成人
並其孫遊泮凡守節五十三年乾隆二十年請旌奉

旨頒 欽定清標彤管額時年七十九

李氏庠生劉標妻福田鄉大木口人康熙四十七年戊子
標赴鄉試卒於武昌氏年二十六矢志不貳翁應澗性忼
急氏曲意承志治具供賓客務得其歡姑尹病臥近六年
氏躬調藥膳浣滌污穢雖煩勞不以妾兒媳姑八十三歲
歿哀禮備至教子極嚴孫方堂入邑庠氏守節五十六年
卒年八十一乾隆二十年請旌奉旨給 欽定清標

彤管額

楊氏桑節妻年二十九夫故守節翁日昇孝廉也氏事之有孝行歷三十六年而次子瓚又天氏復與孀媳王氏撫孫繼綬繼融未幾兩孫復相繼殤王亦尋死復與孫媳湯氏三世孀居里黨矜式之

盧氏陳登位妻上甲里人登位故氏時年二十二甘貧苦守尊嫜並年老氏曲意調護奉養無缺及喪葬竭力營辦百物敕備子才能方四歲氏獨育長之至年七十氏且見元孫矣乾隆十四年請旌建坊卒年九十三
尹氏永泉里民羅尙鈿妻康熙四十年夫故孀居四十五年年七十三乾隆十一年請旌

張氏桂東縣訓導張銳女樂善里廩生李正泰妻康熙五

十一年正泰故氏時年二十一遺孤甫半歲翁先亡姑老患氣疾偃臥者三年氏侍湯藥無懈嘗負兒操作備極勤劬及子婚舉一孫而子與婦並亡氏仍撫孤孫成立守節四十一年乾隆十八年請旌建坊時年六十二
秦氏唐一美妻一美故氏時年十九子一甫七月有宗長老且貧利氏更適百計奪其志氏堅拒之日嘗粥食然每以稠醲膳姑而已啜其澹者守節六十四年乾隆二十九年請旌建坊時年八十二孫飛九邑庠生
黃氏貢生黃闡然女樂善里民唐三物妻康熙五十一年三物故氏時年二十五無子撫姪國謨爲嗣時方四歲也及國謨婚生一子而沒婦爲庠生黃建中女與姑同姓時年二十三遺腹復生一子與姑同志守節撫孤備極勤苦

長子成立入國學姑守節三十六年卒年六十婦守節三十二年卒年五十四乾隆三十一年請旌建坊
郭氏王克涵妻冷水市人年二十五而寡孝事翁姑教子定選成名彭令繹祖以柏節清操匾其門計守義六十九年九十三歲終

王氏龍爾擊妻順則里人年十六歸爾擊生二子際泰贊元無何爾擊歿氏時年二十八家綦貧晨夕紡績備諸艱瘁二子卒成名守節五十八年年八十五卒謝郡守仲坑莊令熊芝陳令三恪及邑人士各爲詩贊敘其行林太史學易序之藏於家

汪氏王澄若妻冷水市人年二十二夫故矢志孀居奉兩尊曲盡禮意育孤子成立守節五十九年卒年八十一總兵邊士偉以柏操松齡榜其楣

羅氏唐仲伯妻生二子而仲伯亡氏哭泣盡哀死而復甦者屢人曰上翁姑下弱息徒死何裨氏於是忍哀敬事課二子勤業曰我之爲未亡人以有汝也汝苟怠惰吾何生爲二子受訓耕讀氏尤好善至老不倦卒年八十曾元多列庠

汪氏王國安妻冷水市人生一子甫兩歲國安卒時氏年二十七苦志堅守奉姑嫜羞膳無缺教子犁然有法程躬服勤劬日夜績紡弗輟子殿元監生孫玉豐貢生氏年六十四卒守節三十七年林太史學易巖廣文柏均高其行賦詩嘉美之

何氏幼適高溪熊玉斌生子正祿養媳周而玉斌沒氏時

年二十三正祿纔四歲翁姑憐其幼寡而復貧也命改適
氏不從且斷中指以明其志當此時伯既析居氏上供翁
姑下育子媳皆一身營措極寒悴無怨言及正祿且抱孫
而氏猶強健年八十六終守節六十四年

蕭氏唐國治妻樂善里人年二十一適國治生一子國治
病累歲侍湯藥不稍離及沒傷悼誓以身殉姑泣止之其
父令改適氏以義拒得免夫兄貧無行欲奪其志氏知之
卽以己所析產畀之聽其出鬻兄乃已子既娶婦生一孫
而子復夭乃更與媳王氏共撫其孫守節凡三十二年
五十七卒

蔣氏胡象銓妻二十六歲守節有子廷亨王氏胡宗海妻
二十一歲守節有遺腹子廷元皆明御史節十世孫婦

節七十餘歲卒

張氏高宗高妻宗高年十一隨父居蜀通十年方歸娶
明年復往蜀侍父更五年夫病一日當書於氏謂父貞疾
不能離已既娶獨女後三日復歸也氏得書泣曰夫侍
舅疾孝也爲無後而更娶亦孝也夫能孝妾敢蹈不義乎
誓以死待然家固貧且區區蜀遠宗高不能時費之氏則以
女工度日勞悴無怨言後宗高竟不歸氏貞守三十餘年
潘氏王悅如妻上里人性賢淑嘗績紡以伴夫讀事祖姑
與姑盡其道生子二而悅如卒氏時年二十六號哭幾氣
絕時以祖姑老孤幼無所倚遂盡起夫二弟某無行廢其
外舅迫嫁之屢懷以危言氏矢死自守無已乃與其分爨
而進供其祖姑與姑膳食至氏必先朝滿村媿毋先嘗以

後至及殯葬尤竭其誠力其亦感動終與諸隨持家有禮
法數十年不一歸外氏不出戶庭後二子皆成人孫宗坦
宗美人邑庠氏守節五十六年年七十有八

周氏進賢鄉西山陳武妻年十九適陳生子吉琛甫二歲
夫故氏時年二十三翁姑慮其少寡且貧勸改適氏矢志
不移衣食所資出於十指迨吉琛成立而家亦漸興焉氏
年八十時宗黨謀請 旌氏不許曰是以節市名也適里
人造迴龍橋吉琛因重捐資以祈母壽

胡氏上園里郭維梅妻年十七生子仕賢乾隆六年歲荒
維梅以貧故攜仕賢販易往蜀時仕賢甫七歲也明年維
梅死其族人乃攜仕賢歸時氏年二十五守撫之翁三律
年老氏營供藥脂辛苦莫可名狀有族某嘗與氏家通後

急者一日因問氏微改其口... 求貸也事為二十餘年翁殯... 如禮孫三曾孫一
... 氏冷亦市甄 妻年十七... 夫故遺腹生子
... 奉養翁姑孝敬無... 用成立年八十三卒守節
六十五年

馮氏馮相級妻年二十六夫故子炳煥甫四歲家故貧勤
紡績蓄以給朝夕事繼姑尤謹朔望必香滿茗供祖先蓋
萬一經傳世之意所其子成於學也嘉慶乙丑吳學使廷
琛以柏節松齡額其門時年八十四炳煥舉明經選訓導
鄧氏黃安妻始雷氏文熙妻福田鄉人年二十六喪故
子文熙甫二歲即守義凡三十七年年六十一卒雷年二
十八文熙故子宗顯亦二歲雷亦卒... 第六人

其五人俱無後微鄧雷孀守撫孤黃氏禮祀新矣

明氏蔣懷瑾妻橋頭人生二女而懷遠遠出不歸久之不

得其蹤家故貧至年六十益甚幾不自存蓋距懷瑾出時

已三十六年矣無已乃歸養外氏年七十餘

莫氏劉尚憲妻生子齡甫三歲尚憲亡氏時年二十八奉

翁姑以壽終養葬皆盡禮教子成立邑令優以節孝揚休

表其廬

鄧氏唐友皋妻高溪樂善里人年十七歸友皋十九友皋

死遺腹惟一女氏哀號不欲生翁姑力諭之乃止獨居敦

操檢足不出門外伏臘節日外家迎之歸弗往也服闋請

嗣於翁翁曰汝自守誠不易毋遽言撫子也邑遂巡不敢

言而益自刻勵祖姑胡年八十患風痺始弱不勝養氏嘗

身代其勤侍胡飲食起居惟謹凡五年於是以翁命撫伯

子學藻為嗣學藻幼工文年三十無所遇欲徙業氏曰爾

父積學科名未成吾承汝祖命實有期於汝也若然不惟

辜余望爾祖若父恐亦不瞑目科名遲速有分汝勉之學

藻年三十七入郡庠旋食餼舉明經氏年八十七終

胡氏介福里民羅文粹妻年十九歸文粹生子占鼈而寡

時翁姑老子甫三齡胡仰事俯育備極勤劬占鼈長娶向

氏生在淑甫五歲而占鼈與向相繼沒胡躬撫養在淑底

於成立嘉慶九年何學使學林以松筠著節旌其門

秦氏陳一雄妻陳秦屬世姻相距僅數里氏未字時凡慶

弔父母嘗過陳氏園未一隨往蓋其性貞介如此年十八

歸一雄越二年夫沒號哭幾瀕於死翁與其父諭解之氏

曰翁與父欲延兒命惟爲死者繼嗣則可不然請卽死於是撫夫兒子二勸教養成立邑令李清英表其閭

鄧氏文國試妻幼習父訓知書史大義兼明醫理適國試事翁姑以孝聞有子三夫死氏時年二十七遺腹又生一子家貧資紡績以存活諸子皆成立年七十五卒

胡氏呂道高妻住城內瀟湘門乾隆二十四年生至和甫七月而道高亡氏時年二十二奉尊章有孝行訓孤以義年七十餘孫善元 恩舉人

張氏庠生魯含藻妻進賢鄉人性溫淑幼有孝行嫁時祖源謂曰汝第以事爾父母及余者事爾翁姑知必不失爲孝婦也氏佩其言不忘翁濟時所交多知名士每款宴竟日主客盡歡皆氏爲供具姑鄧年七十六病痿凡寢與

氏扶持年餘罔懈歸十年而含藻沒孤其珊方六歲其珂五歲女一氏時年二十八誓志撫孤劬瘁委至兩子稍長卽擇師受學督課甚嚴其珊弱冠入邑庠其珂食餼

聶氏蔣一謹妻進賢鄉人生子甫一歲夫故氏時年二十二守志五十八年嘉慶初叢令之鍾以鍾郝遺風榜其門湯氏孝弟鄉三坵田蔣其瓚妻年二十四夫故遺孤一襁撫教成立氏晚年得疾寢食不能自由子婦唐亦賢孝晝侍左右夜隨宿如是者凡十六載而湯乃卒

袁氏監生鄧有珍妻高溪司人年二十九夫故子池飛七歲姑老氏事之曲盡其歡課飛池讀倍於嚴師飛池卒學成列於庠氏年七十七守節四十八年

蔣氏孫宗炳妻進賢鄉人年二十七宗炳故遺一子久之

復天乃撫姪光楚先是翁沒氏事姑誠孝有加禮姑歿後常見夢有事大小輒告之蓋冥心致感也光楚讀書能文早歲入庠嘉慶十二年秋學使夢松旌其門

李氏張大受妻適大受甫一載而寡遺腹生子正玉食貧自守事翁姑極孝敬教子有方年六十三卒

卿氏上團里儒童張謙妻謙歿氏時年二十六子三矢志守節修供婦職送子讀勤且專長子兆熊入郡庠

劉氏庠生王嗣暢妻幼嫻母訓父母極鍾愛年十八適嗣暢事繼姑色養無違生子女各一無何嗣暢歿氏時年二

十六躬綜家政而梱外未嘗聞聲至戚過闔門與語無事不輕出日績紡以資子讀子呂渥循循修救女歸諸生龍

玉堂氏年六十時董縣丞桂林以松筠晚翠額其門年七十二卒守節四十六年

吳氏唐文謨妻高溪豐樂里人年十八適文謨越十年文謨謝世長子嗣琬甫四歲次嗣璵二歲夫兄弟先已析居

姑老獨倚氏氏慨然守志奉姑得其歡心舉動修潔戚友往來未嘗覲面遇族幼少者準以禮法訓二子以勤儉為

務二子以服賈起家孫五

劉氏蔣維允妻高溪人年二十六維允故子宏毅僅三歲服闋翁姑憫其少寡勸再醮氏剪髮自誓不從日閉門勤

績紡比鄰鮮聞其聲見其面者及夫兄維旦遷居去其家十餘里而翁姑仍依氏居凡供膳皆身任之不與兄較也

課宏毅幼讀書有文名年六十二卒守節三十六年
馮氏袁方彬妻城南綠嶺人方彬年二十六死於水遺男

女各一氏時年二十四家貧伯叔欲奪而嫁之利誘勢逼氏屹然不動且曰有一男一女所少者衣食耳願躬勤作以長成之卒如其願年八十餘而曾孫已數人矣

唐氏袁世賢妻德興里富家橋人年十八適袁二十二歲夫故遺子宏謨甫半歲育而長之苦悴備嘗事翁姑終世營辦喪葬曲有禮紀

康氏德興里金灘黃享妻享歿時氏年十九事翁姑曲意承志姑病侍奉湯藥至忘寢食所居與父母家相近饋遺無虛日父母病躬往調護不一委諸姑姊妹也

劉氏蔣曰潛妻橋頭人年二十五而潛故子楫甫一歲繼姑年六十餘氏養老撫孤不辭勞勩嘗語楫曰汝父學成無所遇汝家代有聞人汝力讀書庶有繼也於是楫殫力

於學久之天

潘氏西隅里藕塘人東邑農家女年十八為郡庠蔣維瀾妾誕一子甫能行為獠犬所噬死時維瀾年已六十不再育而家故貧無與繼者無已收族棄子撫之復天維瀾沒氏時年二十九有勸他適者氏曰如嫡年老何數年嫡亦沒或申前議氏卒無所從姻黨欲迎養辭弗就固請氏則涕曰彼客視我我不安若奴婢遇我我亦不願也且余若計一身則前此十餘年不患無所託跡今無與繼嗣固知於夫無裨但存一日則奉夫一日香火餘固弗知也年六十餘猶鬻薪紡棉日夜力作自給以苦節終

唐氏楊治富妻隆慶里人年七歲歸治富為養媳及二十六治富故遺一子甫歲半姑唐亦二十七歲而守節者以

家貧恐媳難安使人諷其改適氏曰我少養於姑姑老即需養於我也且姑有孤而守之我有孤而棄之匪特無以見死者於地下抑何以對姑耶於是勤績紡供朝夕不給身自忍飢而姑無缺養氏年七十四子亦成立

唐氏隆慶里山巖李宗道妻順治丁酉氏年二十九夫故孀居四十六年長齋素食事翁姑能承意旨家規嚴整即同母兄弟至不令入室與語性好施濟里黨被其惠長子之英 恩貢孫曾多人庠人謂氏陰德所致

王氏謝正成妻年二十九夫亡上事翁姑下撫二子好行德以調濟鄉人年八十餘猶執女工不懈子媳嘗勸止之氏曰人身血氣有事則流動情則窒滯反致病也長子承訓 恩賜九品職季永猷府庠生夙稟母訓多行善事戊

成歲旱荒發所蓄錢穀以賑貧人全活甚眾氏守節七十二年卒年百有一歲子孫謀請 旌氏遺命不許

黃氏黃佳琬女幼歸劉繼治續志作梁年二十六生子與

年繼治沒與質贏多病舅姑嘗以為憂氏鞠育周至與卒成立而氏亦完節以老乾隆十四年夫從弟繼寬以氏節聞於冀令方焜令為表其門卒年五十三今子孫昌盛

薛氏唐三賦妻鎮永鄉常定里人三賦死氏年二十三家貧子幼摒擋一切備極艱瘁子時熹既成人而衣食亦粗足焉年八十餘卒守節五十餘年

陳氏進賢鄉廩生湯錫銘妻忠潔陳純德孫女恩蔭國學才偉女也幼羸弱多病歸錫銘年餘即勸夫再娶婦亦聞氏又為納妾梁氏梁生子治清方周歲而錫銘沒於是氏

與陳梁俱年二十餘孀居撫孤相依如姊妹治清入庠有
譽譽皆氏之教也忠潔爲二十四君子之一其餘芳遺烈
蓋被於女士云

周氏庠生湯炳緒妻進賢鄉人年十九歸湯家貧日紡績
以資夫讀及炳緒疾不起遺子女各一時翁姑年皆六十
而祖翁姑並在年且九十於是氏括髮毀容矢死自守事
堂上兩世飲膳精潔俱慊其所欲居無何母弟二暴亡母
無依於是氏迎養之凡十二年而母卒氏年七十而終守
節四十二年

馬氏儒童周之書妻進賢鄉人年十九歸周二十一歲夫
亡無子以伯子家義後之姑年七十餘卒翁年九十餘貧
女紅以給羞膳歿時殯葬備禮人稱其賢孝焉年八十七
終守節六十七年

秦氏周之猷妻進賢鄉人年十九歸周末一年而之猷卒
遺腹生一女無子撫子書山爲嗣翁性伉直間患噎或稍
拂卽不容氏體頗搯意事之無幾微在飲食藥餌皆順其
情嗜迨舅姑歿而仲叔姊婦繼卒遺姪男三女二皆倚氏
撫育之比如所生及長女織男讀書課具有程法有二老
僕氏曰是我先人曾賴其力也加意撫恤之迄歿更殮葬
焉卒年六十四守節四十五年子書田太學生

黃氏儒童周遠妻進賢鄉人幼適周卽孀婦道舅姑歡愛
之遠以勤學積勞致疾未及壯而亡氏時年二十七荆布
蕭然夜業針黹晝操井日佐舅姑以給哺父長養二孤成
人苦節四十二年卒年七十

李氏進賢鄉李端女幼字周范范父之維以貧故攜子徙粵西去時曾書屬端為女別配女不從至范年三十始歸婚明年生子世榮又一年而范逝時舅已下世姑老子幼皆倚於氏涉歷諸艱卒使老有所終而幼者以長年六十四歿

劉氏庠生劉懋賢女歸仙人溝王上晉生一子盛德上晉歿次日復生一女時氏年二十四也康熙己未庚申吳逆餘氛未靖鄉無安居於是氏左掖姑右攜子而背負女以逃至某處忽訛傳兵至氏倉卒度不兩全也則棄女而負子且曰此宗祀一綫之延也賊來吾當以死護之久之兵不至事竟得全盛德後登賢書屆時親隣羣相慶醮而氏無豫色子請所以曰科第固所重也第汝家一綫之緒幾

斷復續吾所願者汝壽也 年六十八以子官河 其人盛德之副室也感 其少屬他適氏曰既為 始死之安也盛德見其 非庵集曰好藏是侯兒長以是授之語訖而卒子藻既長從師受學而氏嘗督教之不少寬一日有人詈藻藻忿不恐將與訟氏謂曰爾曾讀昨非庵集耶婁師德唾面自乾之事不仿為之是事汝父意也藻由是釋然不與較氏守節五十年年七十二卒以子官教諭 贈孺人

蔣氏陳九莖妻進賢鄉人年十九歸陳二十三夫故家貧莫支宗人憐其苦志為立嗣曰祚章者仰事俯畜皆取給

於氏凡守節十七年而卒年四十

周氏魏大芳妻進賢鄉人年二十二適魏生一子不育久之大芳以苦學得心疾卒氏時年二十六翁姑既死伯氏已分居數謀繼嗣則其人非天卽病不支故終無可繼者無已乃歸依母居時魏有尊行而守節者氏並母之於是往來二母家以爲常迫二母終而氏已年六十矣乃獨居母室氏少通書義習聞其伯父司馬廷高言詩心有所會乃口占七言五十韻以敘生平其詞義排然可誦

胡氏孝弟鄉儒童魯含奇妻年二十適魯越歲生子其與甫一年而含奇故家甚貧艱難萬狀撫予成立凡守節五十二年卒年七十二卒

龍氏庠生李玉堂妻進賢鄉人年二十八夫以授學粵西病歿氏聞號泣累晝夜家貧乃典衣節歸夫喪葬之撫孤獨成人守節五十三年卒年七十卒

王氏楊得禹妻進賢鄉人年十七得禹與翁相繼死姑病癱叔甫九齡或以家貧無子勸他適堅不從事姑孝謹力耕織以資日費待叔有恩禮及長爲娶室卒撫其子爲嗣後姑與叔復相繼亡操綜內外祭葬無缺禮守節六十年卒壽七十六

譚氏唐芝悅妻城南栗山人年二十六歸芝悅明年生子又明年芝悅故氏時年二十八翁早喪姑老有叔甚幼朝夕拮据以供衣膳姑歿殯葬之叔長爲之娶婦皆獨力營辦不倚助宗黨子八歲復天乃撫叔子某夫嗣卒以不斬孫一清入庠守志五十六年八十四卒

王氏儒童孫煥瀚妻進賢鄉人煥瀚力學資志早亡氏時年二十一無子撫姪陞祿爲嗣卒年七十五

王氏清湘里儒童魯紹生妻年二十歸紹生明年生子含才未周歲而紹生故父母舅姑咸諷其再醮氏跪夫靈涕泣自誓請養老鞠孤以竟夫志乾隆己卯氏年七十八邑令塞勒克特以冰操鶴算勝其門含才以操行著於時

唐氏柏正邦妻年二十七夫死無子撫夫兄子謹課以學入郡庠孫廷翬邑庠卒年七十二

楊氏李廷義妻

木主有名冊卷全遺

楊氏黃君祥妻存樸里禮塘人康熙十六年君祥故氏時年二十四家貧資女紅給衣食舅姑病氏禱神請以身代病尋愈御子婦秧然有禮法然未嘗疾顏遽色孫金印圖

南成諸生氏守節六十八年卒年九十一乾隆二十年請

旌建坊

周氏齊化臣妻豐樂里人乾隆二年化臣故氏時年二十八遺孤三翁姑年老氏恤然曰冢子去一切皆冢婦事也可自謝哉每事以身先二娣且佐二叔所不逮諸姪皆資其教育一門肅然歲庚辰姑病疫幾殆氏曰子婦紛紛問視徒亂意耳不如我一人任之闈榻清潔藥膳以時暇則焚香禱神願以身代月餘姑病以起是時氏亦年五十一矣乾隆三十五年請 旌給 欽定清標彤管額年七十三卒守節四十六年子勳英詔俱庠生孫十一明經四人庠曾孫漳亦庠生

張氏庠生高齊岱妻小木口人乾隆十九年齊岱卒氏時

年二十七遺孤士元甫五歲氏事翁及繼姑晨餐夕膳悉
慊所嗜訓孤慈嚴兼至士元入邑庠氏年五十一歿守節
二十四年乾隆四十三年請 旌給 欽定清標彤管額
建坊北門外士元既死無嗣妾周氏撫堂姪鍾湘以續氏
祀

鄭氏下辛樂里盧伯元妻氏年二十一夫故遺孤鏗甫一
歲祖翁年老患足疾氏日夜調湯藥凡十餘年不倦為姑
服勞也姑歿氏操家政戚族貧者多分濟之遇鄉人修橋
路時捐其費迄老未嘗釋針紉嘗補綴舊衣襪以予寒者
乾隆三十九年氏年八十一卒子鏗力學未售孫濟世濟
時俱庠生曾孫九元孫八五世合爨門庭藹如也嘉慶九
年請 旌建坊墓前

劉氏庠生高仲顯妻陽東山人氏年二十五夫亡遺孤二
夫伯兄先一年卒似改適亦遺二孤年皆幼翁某姑伍皆
年老家故貧一門莞獨無宗親可倚仰事俯畜專資於氏
日勤女紅自給翁歿時疫盛行姑諸孤皆病獨氏無恙更
番飲以藥日夜不休一夜侍姑病忽大蛇人立牀前目睜
睛視氏跪而禱曰毋禍姑願禍我也於是蛇身忽小從門
隙出翼日姑病痊教子嚴正有法程懷祺食餼懷禮人庠
初兩姪並無行薄其家及並喪妻遂憤而遠出歷年不返
氏嘗命子跡其處強而歸為置產更娶後兩姪皆改行軌
於正嘉慶八年氏年五十一卒明年請 旌奉 旨建坊
於宅前

鄧氏庠生劉方琥妻大木口人氏年十六適方琥方琥幼

苦讀得衄血疾婚未期而天氏時年十七事翁姑相依如慈父母翁姑亦視氏若女也方氏夫歿時故無子越十八年乃撫夫弟次子錫邵爲嗣嘉慶丁卯氏卒時年五十嘉慶十五年請旌

朱氏呂必諒妻通德里人乾隆二十二年必諒故氏時年二十二遺一子洪庥僅二齡氏性端重寡言笑足跡罕及戶外姑伍患瘋疾艱於舉動氏扶持抑搔歷十餘年不懈藥餌饒膳必親調以進母歿出篋中物爲營薦費訓子嚴慈曲至洪庥援例貢成均嘉慶十一年氏年七十二卒守節五十年十五年請旌

王氏儒童伍福望妻居仁里人年十九適伍操理家政有賢能聲雍正四年福望故氏時年二十四遺一子善同僅七十日翁早卒姑年老強族時欺凌之人多不堪氏惟婉謝不與校強族亦感其誠而止訓子有禮法兢兢以先人遺產自守後福望及子善同以恩贈六品氏贈安人孫志信捐州同職曾孫攀桂攀玉遊泮乾隆三十四年氏卒年六十七守節四十三年嘉慶十五年旌

王氏住邑城西關內年二十一適直隸客籍中營兵劉奇英康熙三十九年奇英故氏時年二十七撫子世玉成立入營伍子年十九尋天又撫其胞兄國棟子更名劉世連時方四歲也世連年十八復入營伍及婚踰年媳沒而世連出師於黔亦病卒氏煢苦委極援恩例給養依外姪士忠以居凡守節四十六年

王氏曠三鳳妻住城內東山麓乾隆五年三鳳故時氏年

二十三孤世銓甫四歲翁先歿姑病家極貧氏竭力爲姑醫治夜嘗暗雪涕久之喪一日世銓旣成家守母訓有循良之行孀居四十五年卒年六十八

楊氏葉青柏妻水東里人雍正六年青柏故氏時年二十八孤成綦甫七歲成芝五歲女一青柏故無業嘗倚養於伯兄某伯生計亦微至是其婦難之迫令氏再嫁氏委曲明其志伯乃與分爨徙居邑城朝不謀夕鬻粧匱不足則紡績以給而於翁姑亦未嘗缺養伯督二子最嚴或撻之流血氏固深感之不少徇護也孫向時受讀脩脯皆勉措之向時蚤歲入邑庠食餼舉優行次孫向春以征教匪勞績備額外委曾孫仕鵬遊庠守節五十七年年八十四卒張氏王國臣妻住城內大街年二十六國臣卒子二皆襁

褓家貧無生業夫兄逼嫁之氏以死誓晝夜紡績給餽粥二子世文世坤皆成立而家亦稍裕乾隆癸未氏年六十一親友謀請旌氏止之曰夫死守節分所宜然匪以是沽名也遂不果辛卯九月卒年六十九孀居四十四年孫四道蕩郡貢生曾孫九

黃氏張五鴻妻南鄉五里牌人年二十三五鴻亡遺一女翁意主爲伯欲氏再醮氏知之請以產業盡歸伯而已無分但資衣食之需且爲亡者延其嗣也歷十餘年始撫其姪元舉家產惟舅姑命委曲遷就終無所忤子婦亦有孝行氏卒年六十一守節四十年

金氏儒童蔣念之妻橋頭人乾隆十二年念卒氏時年十八僅一女無子撫從子繩祖事舅姑有孝行戚族慶弔事

未嘗一往歲時子塔問候亦隔簾與語人罕見者孀居四十八年一日淋沐更衣無疾而終年六十五

鄧氏東隅里儒童蔣鎮妻年十九歸鎮鎮以兄銓飭早食饒弟鑄補弟子員遂攻苦圖進取舉狀而沒氏時年二十一僅一女無子撫姪猷爲嗣守節五十八年年七十八卒陳氏潘正倬妻東隅里人年二十正倬客他鄉死於水樓歸抵金灘氏聞號泣趨之昏眩中見夫赤身著半臂撫之痛曰汝苦乃若是耶氏絕而復蘇旣葬或稱某巨冑以欣之欲令他適而氏不爲動體貌莊嚴言笑宗黨重之子一鳳旣長授室生子三而天媳以貧不能安竟再醮氏復撫三孫成立無疾而終時年八十苦節六十一年唐氏吳仁之妻士貴母也年二十三生士貴甫兩月而夫

亡守節數年或憐其貧勸改適氏泣曰吾食苦數年矣更數年是呱呱者長大或不終苦未可知也孀居修謹閨門肅然終身如一日卒年六十八守節四十六年

李氏東隅里蔣傲妻年二十二夫故無子撫姪子耀爲孫貧苦萬狀績紡爲生孀居四十四年年六十六卒

桑氏東隅里監生蔣傲妻歸三載而傲亡無子氏時年二十一或諷改適不從撫姪懷定教以義方孀居四十二年卒年六十四

趙氏儒童楊若梗妻隆慶里大樹腳人年二十八生一女而若梗故氏哀痛欲生徇翁姑勸止之以姪文勳爲嗣楊故累世同居家人八十餘皆推氏明惠俾綜內政凡五十餘年內外誠服無間言卒年八十一孫四長運元時年三

十九然已生九子矣并諸孫所出曾孫十有三氏猶及見云

唐氏楊長舒妻隆慶里人年二十適長舒生二子元祁元郊翁姑早逝久之長舒亦故氏時年二十八家酷貧子稍長卽攜往江華佃山種菽艱苦百端不移其志歷五十九年年八十六卒元祁慤直好善生平不履城市年九十餘元郊亦年踰八十孫曾環立以耕讀爲業今家漸豐裕焉周氏楊天福妻隆慶里人年十五適天福越一年天福遠賈死於蜀時翁明耀患痞姑黃目並瞽兩叔且幼氏獨養翁姑出入扶持衣裳飲食曲致所欲性明慧務勤儉同爨四十人皆推氏主家政及兩叔既生子乃各以一子承繼榜松榜棟是也榜松妻唐氏年二十七而寡稟氏之教亦

以節終周年九十三守節七十年唐年六十守節三十三
年

周氏楊本添妻隆慶里人夫亡氏時年二十二舅姑早喪家素貧氏親井臼勤悴以給朝夕子時香時秀均成立氏年七十五卒守節五十四年

蔣氏楊茂香妻蔣育之女也隆慶里人茂香已有疾其父既明爲請婚期育之許而旋悔之氏聞謂母曰許人以婚既定期而忽背之是益其疾也女心忍乎及期竟歸楊一年夫歿氏時年二十一撫伯含素子治平爲嗣事翁姑以孝聞年七十八終守節五十八年

楊氏唐四韻妻幸與里人年二十五夫故遺一子廷芬甫三歲時翁姑年皆老慮媳不守而孫無倚也時形悲惋氏

知其意慰之曰死者已矣生者吾之責也唐氏三世皆單
衍祇此子祖宗夙積德此子必獲天佑吾惟殫力鞠養以
俟其成而已敢有二心哉翁姑年皆八十餘氏守節五十
七年年亦八十三

趙氏蔣紹霖妻年二十夫卒家貧如洗勤苦撫孤應遠成
立卒年八十

易氏儒童秦楫妻孝弟鄉石角塘人楫勵志儒學早亡氏
時年二十八家貧遺子二長雷發次繼祖姑蚤沒翁老順
意承志得其歡兩叔性伉激氏禮遇之無少間隙訓子力
學繼祖入邑庠氏卒年八十四守節五十七年

鄧氏儒童王朝相妻孝弟鄉人年二十七夫亡遺子在鎬
並一女翁先沒氏力貧養姑及終殯葬備禮男女長營治
婚嫁皆獨力爲之不倚藉戚族守節四十五年七十一
卒孫恩隆童年遊泮

譚氏孝弟鄉高林橋唐一斌妻氏年二十三生子士臣明
年一斌故氏遂奉佛長齋爲夫資冥福勤力績紡姑嫜無
缺養士臣長亦隨母長齋買物放生業農且賈而家漸饒
康熙二十二年氏年六十終守節三十七年唐數世俱單
傳惟士臣得三子長三彩庠生次三尊由國學援例得廣
西桂林府丞

唐氏孝弟鄉三坵田監生蔣其璣妻生三子夫故時年二
十六撫子成立嘗令遠涉從師不憚勞費長子一裕補弟
子員束修自好鄉人謂有母風守節四十八年壽七十四
周氏清湘里魯蕃秀妻庠生周定女年十四歸魯生二子

一女蕃秀故氏時年二十五奉哀親撫孤子孝慈周至雍正時邑人列事實請旌已由學牒縣矣氏拒不許事遂寢孫含敬邑庠生

賀氏陳文錫妻年二十五夫亡遺子一休甫五齡矢志堅守以績紡度日訓子務勤儉年七十九卒

蔣氏儒童黃鼎柱妻居水字橋年十七歸黃越九年無所出乃爲夫納妾楊楊生子金枝甫週歲而鼎柱亡遺腹生金斗蔣謂楊曰汝年少我夫死我留汝去無傷也楊不從同心守節撫教二子家庭整肅閭里奉爲規範蔣年六十九卒楊年七十三卒

李氏儒童黃元泰妻年二十歸元泰越七年而元泰卒遺孤蓋方六歲日勤績紡以養翁姑甘旨無缺蓋長旣入庠

而天遺二子朝翰朝清蓋妻賈氏時年二十八踵姑志行撫教二孤兩世孀居熒熒相守二子俱成立李守節四十四年年七十一卒賈守節四十六年年七十四卒

周氏秦懷燦妻孝弟鄉下保里人年二十三生一女而懷燦死言論舉止胥式於禮事翁姑及庶姑無幾微忤撫姪仕岱爲嗣旣長援例入國學嘉慶辛酉吳學使省蘭給貞壽延禔額獎之守節四十四年卒年六十七

劉氏鄧尙賓妻年十九生子僅六月而尙賓歿守節五十六年年七十四卒

李氏呂養元妻永泉里人年二十七夫故遺子龍文甫四歲體瘠多病人慮其難成氏曰吾夫忠厚天必不絕其嗣此子應長保也時翁先逝繼姑唐性嚴激善病氏事之惟

謹一日姑語眾子婦曰我病數年無恙李事我最勤是李以誠孝延我也蓋愛而譽之如此教子有規法雖微愆必跪責不貸龍文力學入邑庠年七十七卒守節五十一年朱教授曷爲誌其墓

李氏盛富宇妻東興里人康熙壬戌富宇故氏時年二十八子起燦僅二歲伯氏議異偕養爲徒蓋利其產也未幾并利氏謀再嫁之氏號泣誓死不從伯計遂沮於是素衣長齋劬苦自礪奉尊章益謹和藹同室無少隙嫌起燦後成立乙巳歲氏年七十一王郡守濟獎以節壽風休額年八十五而終

楊氏東興里民盛一鏗妻楊忠文女也年十九適盛生子世光世華而一鏗卒氏時年二十九家貧無伯叔妯娌相爲倚助者奉養翁姑撫二子皆獨力摒擋凡物修備及年七十餘家資饒於前諸子分多潤寡蓋稟母教云

譚氏東興里儒童朱文鑒妻康熙二十二年文鑒歿氏時年二十三子幼多方撫教至於成人姑嫜老貧以終養守節六十二年年八十四卒

高氏蕨嶺儒童湯相彥妻庠生高營女也年二十歸湯越二年而夫歿無子撫姪炳倬爲嗣復天復撫姪炳偕子培綱爲孫凡守節六十三年年八十四無疾而卒培綱力學有文名

賈氏齊輔先妻豐樂里人輔先少失怙獨與母屈居然家固貧氏歸生二女輔先往貿四川賴氏紡織以養其母無何輔先死氏聞慟不欲生旣以姑無倚始強起視息時年

甫二十五也奉姑撫二女服勤自給每夜分猶聞機杼刀
尺聲姑年九十二卒殮葬無缺禮以貧無繼嗣者卒年七
十一

盧氏蔣三命妻豐樂里三星橋人年二十七夫故遺子四
舅姑年老俯仰皆氏身任之日拮据以濟不足及四子成
立家亦漸起年八十卒季子芝葦年八十五孫九登元九
品職登第郡庠生

羅氏陳煊妻豐樂里人年二十六煊故遺腹生一子興然
氏撫訓之興然長亦體母志初家貧自是漸裕年八十三
終守節五十八年孫世厚國學生

沈氏儒童王士槐妻樂善里人年十二歸士槐越五年夫
子而士槐死時氏年二十二誓志發居奉舅姑無曠職

子有母儀子卒成立凡守節四十五年林太史學易贈聯
額以旌其門

唐氏胡學易妻梅溪洲人年二十七夫故遺一子朝賞甫
一月氏貞心無二上孝翁姑下撫其子凡守節五十餘年
年七十時李令清英以安貞之吉榜其楣卒年八十

里氏庠生李方芝妻梅溪洲人年二十九夫亡姑老患頸
創時須氏按摩之日無暇晷夜則隨姑寢凡十餘年姑疾
愈人謂爲孝感所致氏年六十九卒守節四十一年子大
和國學

陳氏艾世勳妻勳歿氏時年二十七子資鎮甫四歲育而
長之氏幼從兄授書熟諳史事列女諸編及課資鎮學嚴
切有方後資鎮以從征功授八品職孫二亦有名庠序年

七十二卒

文氏何一烈妻茅坪人年二十九夫亡遺子宗植宗培一烈生無弟兄既亡奉養尊章獨氏任之沒亦喪葬如禮後二子俱成於學然屢試未售孫九韶入太學氏六十時湖北吳臬使之黼以筠操鶴算勝其閩卒年七十七守節四十九年

胡氏儒童高望妻監生胡文珪女年二十一適高望生子彌朗而夫亡氏時年二十三矢志守節善事舅姑姑卒叔義年幼氏爲撫之然未嘗私厚已子後義與彌朗均入庠待妯娌如姊妹遇羣從子弟恩而有禮年七十三卒守節五十二年

張氏陽東山儒童高址妻址早卒遺孤仁園甫四歲時氏

年二十四壹志棲居嚴以飭己翁明經烜性好客所交皆一時名流日夕醺飲氏爲供具無缺禮嫡姑女適湯家貧無子氏迎至家衣食終其身送孫懷祐讀後遊庠姚學使頤以節慈延禧額其廬年七十五卒守節五十二年子仁園 恩賜九品職

羅氏庠生羅浩女少從父讀能識字長適陽東山儒童高愷姑氏杜喜奉佛持齋戒氏承順之無違生女一男一愷沒時氏年二十四男錫齡甫能語卽閉門自課讀及長就里塾暮歸試之成誦則喜否則答年四十一卒錫齡有六子俱業儒

雷氏儒童高備妻小木口人年二十三備死無子舅姑已早歿祖光祖姑湯俱年踰七十氏壹意奉養酒食藥餌營

措無缺撫姪悅翰爲嗣教訓昏娶資以成人氏年八十七卒守節五十六年孫錫鈺錫瑯皆業儒

鄧氏小木口儒童高來遠妻年十九生一女而來遠歿氏誓志守義事翁愔姑劉以孝聞撫姪個爲嗣迪教成人個復生子氏年七十一卒守節五十三

高氏儒童張湛妻小木口人年二十六湛故氏力貧矢志撫其子仁德仁壽至成立事尊章以孝處娣姊以和年七十時吳學使鴻以冰心柏節額其閭

歐氏高便妻小木口人年十九便故家貧無子氏哀悼逾三載如初喪一日翁曰汝志良苦第我無一畝之遺如寡居何計不如他適爲善也氏聞之不豫卽閉戶絕粒欲自盡叔象聲迫令出謂曰汝志誠堅守吾以四孫懷才後汝

氏喜從之日夜勤作以養舅姑懷才長娶婦且生子矣氏年五十七卒守節三十九年

伍氏庠生高僅妻陽東山人乾隆四十三年僅故氏時年二十五遺孤東山性勤儉躬操作紡績昕夕不倦一粥一飯日率爲常衣服雖敝不棄動止以禮父母歿未嘗一至外家訓子有程度子東山早歲遊庠嘉慶十五年請旌時年五十七

劉氏儒童高儷妻小木口人儷眇且跛氏事之無失禮年二十三儷卒遺二女無子有姪三年與若莫爲繼者未幾長女殤翁恐氏之終無所倚諷令他適氏不從向翁求析產如諸兄弟者三之一衣食之不足則以針黹佐之會姪某生子錦章氏卽撫爲孫日啖以糕餌後卒成人翁年五

十後日遽矇氏事之有加禮一日所居溪水驟漲家人驚擾爭昇衣糧出獨氏負翁走及登樓而水已及樓下矣氏幼涉書史明大義類如此守節四十六年年六十八卒
呂氏儒童劉方舟妻大木口人方舟年十八而妖無出時氏年二十二姑蚤沒翁病瘖舉動常乖情理凌虐氏氏曲意事之族某睨其產迫氏改適其妯娌或羣聚豔語以誂之氏竟避不與接事翁二十四載無失禮撫其姪錫雁為嗣年六十二終守節四十一年
伍氏介福里金塘民劉堯妻生子錫冕甫周晬而堯卒氏時年二十六壹志撫孤誓不他適有姪八人俱恩育如已出叔鵬飛幼出就外傳館餐之需氏為供致之鵬飛後舉明經時稱氏德不置年八十八終守節六十三年

唐氏福田鄉人幼適雷梗年二十五梗卒無伯叔妯娌之助奉贍翁姑氏獨任之撫孤慈嚴並至克底成立族鄰告匱力所能者皆周卹之守節四十七年年七十一卒
唐氏雷聯輝妻福田洞人生子遠觀甫三月而聯輝沒氏時年十九誓不再適翁多病曲意承奉不少違翁姑終殮瘞如禮氏年八十卒語宗婦守志者曰箴居一言笑即嫌疑所係吾嘗兢兢今其免夫
劉氏唐德安妻木斗塘人年二十四德安故無出氏慘慟幾絕翁為多方開曉氏曰薄命雖苟延然誰嗣者夫祀不其斬乎隨以翁命撫族子某未幾天再撫子時鈞析產時氏請少子意減命祿以益兒壽時鈞長念其劬育事氏如所生氏卒年七十五守節五十二年

鄧氏儒童杜咸斐妻咸斐早逝氏時年二十四有孝行侍養翁姑無違禮姑年八十手足不仁氏扶掖尤謹訓子婉而嚴長子友李卒爲名諸生師表後進孫宏煥早遊庠氏年六十六卒守節四十三年

蔣氏唐肇坤妻福田鄉茅坪人循謹執婦道翁早世事姑至孝供具雖菽水而其甚願姑意年二十四肇坤亡氏日夜悲號幾絕姑諭曰徒死無益不如撫子以續禋祀俾爾夫得瞑目爾他日亦可對夫於地下氏從之彊起抑哀守義撫姪宗玉爲嗣無事未嘗出房闥年老親族問候猶立門內與言年七十五無疾而終守節五十二年孫三曾孫九元孫二十

李氏桑繼悅妻鄭家橋人生子泰而繼悅死氏時年二十

八甘貧守節翁姑老需養獨身任之供具以時爲泰娶蔣氏生子朝相甫三歲而泰卒蔣悲泣逾度因喪明族黨惋惜之及朝相娶婦鄭氏生子應珩而朝相又卒時鄭年二十五李老而病蔣盲均偃臥牀褥須鄭左右扶掖勞悴備至蔣年五十卒李年七十卒鄭前後殯葬拮据殊常而誠禮無失鄭年五十七卒子應珩成立

羅氏儒童陶宏泮妻福田鄉山溪江人年十五適陶二十四歲宏泮故遺孤榻甫二齡時翁及前姑已故惟繼姑陳存氏夫係繼出素孱弱前母子嘗侵辱之既死而遇氏尤甚氏堅潔自守而卑以下人遇事多方調護前姑子婦卒感悟與相善子榻多病氏撫養周至迄榻成立而氏以憂勞成疾卒時年五十三守節二十九年

廖氏儒童陶宏濂妻山溪江人年二十四夫故遺子植僅一歲氏勵志守節事姑教子孝慈曲至李令清英旌其門長孫規一郡庠氏年八十一終守節六十年

鄒氏龔正廷妻辛樂洞人生子名昂甫歲餘而夫亡氏時年二十五誓志守節承事尊章歡愜妯娌有賢孝之行遇人稱貸量力分所有無難色率以爲常訓子以嚴子幼未嘗任遊戲長勤學業入邑庠氏年五十七沒守節三十三年

高氏庠生雷康世妻曲河人年十九康世卒子聲純方半歲家無長物惟有夫藏書數十卷氏僕僕勤作以給朝夕而力資聲純讀書純時或薪牧冒雨歸氏爲熱燎衣甫乾而誦聲隨作或手執他書而心構文及事竟而文稿亦成

匪是則母心不豫氏苦節凡十八年而沒時年三十六聲純後列拔貢文譽德望振一時云

唐氏名一姑上團里唐惟能女年十八適傅某一年夫死時翁姑早歿無所倚又無可繼者遂歸母家奉二親以純孝稱年六十九卒守節五十年

劉氏王景華妻居冷水市景華客廣西病沒氏時年十九遺孤僅數月聞之哀號水漿不入口者累日姑爲解之曰徒死何益汝尙有子倘能撫育成立則汝夫雖死猶生也氏從之彊食而外氏憐其少寡欲改適氏聞卽截髮毀容以死自誓爰居撫孤凡四十餘年足不越門閭外未嘗聞其聲姑病危進藥嘗糞靡不周至無已則籲天求代一日姑甦詰氏曰我命將盡由爾減壽益我且神憐爾孝將

昌大爾後也楊令永忠旌其門年六十無疾卒

朱氏奉義里民周茂文妻茂文故氏時年二十八以姑年老不勝慘痛嘗陰飲泣夜寢衾漬溼而不令姑知家貧日業鍼黹以贍衣食有三子自幼卽準其才質各授以事事無稍寬暇者守節四十八年年七十五卒時家亦漸裕

李氏高溪唐文簡妻幼適文簡事舅姑無失禮文簡早逝氏時年二十五子嗣瓏甫二齡氏守撫之姪某孤無倚並爲撫育後均成立守節五十年卒年七十四長孫鳳岡積學有聲

唐氏楊遇銀妻隆慶里人孝事翁姑有婦道年二十六夫服賈死於外氏聞哀慘氣絕久而蘇事翁姑以壽終哀禮無失至年七十猶聰健

李氏楊長福妻蔣氏長祿妻蓋姒娣也俱隆慶里人二氏旣歸楊敦飭內儀和順無間及李生子元鉉而長福沒未幾長祿亦沒而蔣故無出於是同心勵節共撫一孤事翁姑曲竭誠禮久之翁姑愉然若忘其無子者翁臨終謂曰兩婦如是不患此孫不成立吾可瞑目矣二氏性並儉樸動循禮法治家教子有方夫存時家窘甚後衣食漸裕焉李年六十六蔣年六十二

蔣氏文尙友妻尙友故氏時年二十遺腹生一子家貧氏矢志苦守事翁姑殫勞盡力以供膳羞鄰人盧高二姓者素重之有不給以時調恤更釀錢令生息以資長久卒年六十八

楊氏唐世虞妻隆慶里人年二十四夫亡遺子原粲甫半

歲氏撫教之後至成人姑黃年老先是氏與伯叔更番奉養氏獨善承歡姑遂專依氏於是氏益竭心力寢膳必身親之不假諸子媳姑年八十五卒臨終謂氏曰汝苦節茹善事我吾將告之祖宗必有以酬汝也言訖而瞑

李氏唐世綱妻隆慶里人年二十四世綱故遺腹生子原凱民閉戶幽居外人莫窺其面家產由伯叔分畀氏所得獨緝少人不平之而氏若爲不知者庶姑患瘋疾其嫡子婦二俱不甚省視惟氏事之有加禮生平淡素削貶衣食修敕節行其鏃礪其子甚至乾隆丁未原凱遭危疾氏泣禱翁姑及夫墓曰吾所以不卽死者爲此子耳九原有知詎令斬絕耶原凱疾愈人以爲氏誠感所致年七十餘族幼有問安者猶關門與語其守禮如此嘉慶元年叢令之鍾以節媿松筠旌其門

周氏黃大愷妻隆慶里人年十八適黃越二年大愷貧於蜀久之音耗杳然家益落翁姑老惟氏一身瞻養之嘗爲人縫紉以供朝夕秋穫時至田間拾遺穗人且憐且敬之遇荒歉貧窘萬狀而翁姑卒無失養以終其身營措殯葬曲盡禮紀少時或有傳其夫死謂宜改適者卽斥詈之後無敢言者

陳氏李尙景妻隆慶里人幼讀書識道理能順承翁姑心凡歸甯所得一壘一果必進翁姑不私食也嫁時所製衣必請姑命然後服之年二十二生子大耀甫兩月而尙景歿翁姑日痛哭氏則若爲不甚哀者曰恐重傷堂上心也子稍長卽口授四子書五經深夜鐙火書聲琅然旣輟讀

理家政又以勤儉督之其先衣食頗不給今稍有餘矣年七十餘耳目猶聰明常覽書作字子孫一出入必稟命焉陽氏楊興堂妻咸陽里人年二十四夫故無子翁姑早歿無伯叔可倚家徒四壁嘗鍼黹自給一女適郭紹虞紹虞間調贍之而率忍飢凍以爲常操行凜然

蔣氏陳周棖妻媳李氏斯燠妻咸陽里人初周棖病故時蔣年二十八哀號不食誓以身殉以家人勸諭乃止綜理家政井井有條子斯燠旣長延師受學程課尤嚴斯燠沒李時年二十九子三長十歲次周歲三遺腹生兩世寡居門庭清肅人矜重之族秦氏者叔正峻妻也生二子而寡家且貧族無賴脅之嫁幾成事秦忽逃蔣李所匿之旣謝遣無賴且謂秦曰母願留又有子所少者衣食耳請以錢

穀贍其家未幾復分與田畝令傭工耕穫以資食用於秦遂以節行終蔣年八十餘猶康健如壯時孫曾滿前而李已沒二十餘年矣

郭氏黃士論妻生子中規而士論天氏時年十七壹意撫孤以承夫祀菲衣素食足不踰閨闈中規卒至成立年六十餘清強不哀內外禮敬之

譚氏唐三享妻鎮永鄉常定里人三享歿氏時年二十三遺腹生一子誓不再適姑謂曰汝志則善矣然如貧何氏曰夫在時家固不給我已安之矣今豈有異哉於是勤績紡養姑以賢孝聞於世及三孫並成立而家亦漸饒時守節四十三年矣

胡氏儒童湯炳揆妻進賢鄉人年二十六炳揆卒子垂玉

南四歲次垂秀遺腹生力貧撫孤以身自任事翁姑以壽終年六十一垂玉入成均

李氏儒童周之駿妻進賢鄉人年十七歸周時翁已逝之駿故少子姑憐之愛兼及氏而氏亦賢奉旨甘惟謹未幾姑與夫相繼亡氏時年二十五鞠撫三子及長則督以讀書友善資其費不恡姪圭者爲時名進士交游徧湖湘凡有至者必大供具款宴雖析爨猶然蓋欲其子有所資益也鄰人告匱或猝無以應必命其子設法濟之子道祥國學生

湯氏儒童周峻妻進賢鄉人幼嫻詩禮言動具有儀則年二十二歸周生一子而峻亡家亦漸落氏劬苦營措事尊章無缺養既喪葬祭如禮時年六十孫已能讀其姊唐氏

庠生嵩妻年二十歸嵩先是嵩年幼遊庠苦志勵學未婚時已貞疾矣及氏歸甫五月而嵩亡哀號幾死復甦日操作以給養對舅姑常愉然退則悲咽不自禁時兄婦先寡祇一子無可繼者久乃撫從叔子爲嗣年六十餘日並盲蓋生平涕淚過當瞳子枯竭云

蔣氏儒童陳旭履妻進賢鄉人年二十四適陳生一子而旭履故有諷以貧宜改適者氏曰吾翁爲名儒吾父祖以孝廉文學世其家而改事二夫是爲兩宗門玷也矢志不從事翁姑以孝訓孤子有義方卒全於節行焉

桑氏太學生唐心一妻東安庠生桑繼瑞女年二十七而寡遺二子世瑚世英理治家務條流晰然初家頗窶久之因豐裕世英補國學世瑚年二十四而天媳湯氏廣文相

弼女也少世瑚一歲無子撫姪光國爲嗣兩世節行宗黨重之光國後入庠桑守節四十八年年七十四卒時湯年六十四猶聰健

鄧氏蔣永綱妻進賢鄉人永綱早世氏時年十九遺腹生子配恩矢志撫孤以苦節終

蔣氏李玉珩妻庠生蔣恕中女年二十適李越三年夫亡子錫泰遺腹子錫元家貧甚父母欲歸養之氏不從曰姑既亡翁年老矣有子不終養媳復棄而去之翁何倚乎越二年翁卒既畢喪始歸父母然每春秋時猶往翁姑墓致祭焉二子成名孫曾濟美張學使姚成以劬躬燾後額其

門

陳氏儒童孫有華妻進賢鄉人年二十八有華卒有遺腹

已數月伯欲其再醮不從迫之湯明經相梅者有華師也氏於是往訴相梅曰先生視夫猶子妾猶媳也今日之事先生顧不扶掖之耶乃剪髮以明志且訴且剪髮畧盡相梅因責伯伯計寢時翁歿獨姑在氏與伯伯叔更供膳自食常不給而奉姑則無所缺年踰七十康強無疾所生子亦成立且生孫焉

傅氏鄒四仁妻進賢鄉人生子未周晬而四仁亡氏時年二十四仁故無兄弟既亡子曰穉其舅姑獨倚氏夙夜勤劬供修婦職翼撫藐孤凡二十餘年翁姑卒子長其艱悴始少間焉

唐氏張元槐妻進賢鄉人年十九元槐亡無子志不他適撫姪應爽爲嗣以節行終其身

唐氏馬洪基妻進賢鄉人生一子國植而洪基亡氏時年二十七守義不貳養老育孤勞勩終身無怨言

盛氏彭景書妻慶源里魯塘人年十八適彭二十二歲景書故遺一女亦夭翁早世姑老氏侍左右跬步不離姑亡獨處一室雖族姻罕見其面撫姪鳳起爲嗣篝燈課讀紡聲與書聲夜相聞也鳳起補太學生

程氏徐一棟妻東鄉橋人年二十歸徐生子世煥一棟故氏時年二十六孝事翁姑待妯娌和款無間里閭頌賢淑焉

韓氏程世卓妻生子大鈴甫四歲而世卓故氏時年二十六幼通文義知大體事翁姑能得歡心撫孤子釐訓無寬弛年六十餘猶績紡不輟益以勤劬勵子孫云

劉氏庠生劉婉女孺童湯可新妻益塘觀人年二十六可新故無子撫伯兄子伊人爲嗣初家頗饒中值旱衣食漸窘於是伊人已長旣娶婦生子矣氏謂其婦曰讀書甚善但人多以窮乏故致失閑檢廢廉隅則不如力作自食爲愈也於是率婦晝夜績紡而令子孫業織久之而家裕如前同居有忿爭者以情理譬曉之卽解晚年病日幾盲伊人侍養愈謹其婦亦賢孝有聲稱年六十二尙存見曾孫高氏庠生高人望女年十二歸蕨嶺湯炳冕未幾以事往粵道死氏時年十八無子聞耗慟哭欲絕翁姑時慰解之家奇貧無與爲後者日勤鍼黹易米鹽以奉翁姑而已或時不食如是凡十餘年翁姑旣歿其父憐其無依迎之歸於是往辭翁姑墓泣涕久之而後行性明敏有幹濟操綜

家政常佐弟所不逮居父家三十餘年乃卒然每清明必詣湯氏先人及翁姑墓致祭焉

蔣氏譚國璽妻興仁里人年二十四國璽卒無子氏嘔血哀毀誓不再醮族婦有爲是言者峻拒之自是不禮遇其人國璽儲學未成名既歿其詩文遺稿氏皆檢藏之間一披陳則涕洟交垂於是欲觀者皆憚於言而止撫子朝恒有孫三

管氏陳伯謀妻興仁里人年二十六伯謀卒遺二女翁姑隣其無子且族屬亦未有繼者數勸其再醮泣曰我無子固他適翁姑無子將何往耶教二女有禮則長嫁世胄事翁姑贍生送死誠孝不衰年七十二卒守節四十七年柏氏陳文燦妻興仁里人年二十四文燦卒遺一子哲姑

李憐其少寡諷令改適氏聞泣涕乃止姑患疫時常左右侍姑畏其傳染令遠之氏侍如故無何姑愈而氏病則戒子哲無近曰宗祀係汝一縋我可死而汝不可死也時哲尙幼故侍左右不離而卒無恙哲長食餼

屈氏黃世鼈妻興仁里人年十九適黃二十六歲世鼈亡遺孤鳳飛方五歲氏事翁姑以壽終訓鳳飛成學遊庠居常言動秩然衣食儉黻然遇貧窘則時解推之

張氏儒童胡朝獻妻梅溪洲人朝獻以勤學積疾卒遺子廷佩時氏年二十七卽泣告於翁曰兄公多子氏子一與伯氏析產業之半恐薄命人不足當之願伯氏以一子更子我俾我孤亦雁行有偶也翁喜於是令其兄以第五子廷价與氏氏壹意課督之後二子俱成立翁壽九十氏侍

養惟謹事繼姑尤得其歡

莊氏歐青妻梅溪洲人年二十四夫故遺一子氏守撫之未幾其姑復歿時夫兄弟四人伯仲俱遠徙獨季弟與居年甫九歲姑喪惟氏經措殯葬皆如禮奉翁撫季弟及其子勞瘁備至歷五十餘載翁卒季弟及其子皆成立氏年七十九

黃氏赤石屯黃堂女年十五適賀君良十八夫故無嗣撫姪一煥姑老疾侍湯藥日久無懈朝夕勤績紡不休年六十三

蔡氏黃江妻福田里人年二十二夫亡守節年六十

李氏劉方瑞妻家貧徙粵之全州傭田爲生及方瑞以瘡死遺二子氏時年二十七方瑞甫葬而所賃屋火其子方

寢氏急昇以出而他物皆盡窮悴無所依卒負其子以歸飢寒間關至足繭流血始達故處奉其尊章凡二十餘年兩子皆娶氏年六十五

高氏庠生劉方環妻大木口人方環故無子氏時年二十六矢志自守且請嗣於翁時翁有二女皆寡翁恐氏之難守也使二女諭意令更適人氏不從曰兩姑苦境我所習見然私心所貞嚮雖苦不長也且吾命薄可知卽他適豈易此哉但送死爲大居喪不可無孝子二女復於翁乃以方環兒次子錫駿嗣之始以其喪出葬氏明理識大義事翁姑有孝行家貧衣食嘗不給氏痛自省齋人所不堪而外不形拮据姑嘗憫之氏曰夫亡固貧然夫存時亦未必富清素家風類如此安之可也無何錫駿歿氏與其婦龔

撫其二子成立龔守節五十年卒年七十八

高氏儒童劉方瓊妻六木口人年二十一適方瓊甫半載而方瓊亡無子氏痛號欲身殉適族議以從姪錫寵嗣之氏乃止爲食息如常事嫡庶兩姑嘗居間調協無間言翁年五十失明繼以病臥氏奉事無缺禮

高氏儒童劉錫隆妻大木口人年二十六錫隆以力學嬰疾卒氏痛悼幾絕以翁姑老叔錫隔幼無所倚強起視息且以錫隔長有子可繼嗣也及錫隔甫生一子而沒氏則曰吾無望矣乃與姊共撫其子至老無間言子祚甯讀書有孝行事高如母高年七十二蔣卒年九十二均已旌高氏雷象勳妻福田洞人夫卒遺子二時氏年二十六家無叔伯妯娌姑蚤亡翁老需奉養氏獨力任之歷四十餘

年翁以壽終督二子讀書次子定春入邑庠

向氏儒童唐時曰...年二十七時曰亡遺二子氏矢志不再適事...姑曰我中年歸汝家汝非我爲娶者顧事我...兒媳必償汝也後二子俱成人媳志恂恂有...禮爲勝其門曰陶歐遺軌鄭氏儒童唐時度妻...人年二十適時度次年夫故無子撫姪錫瑚爲嗣...早沒氏以不逮事爲憾每朔望必置手供茗於翁婿...主前以致其意訓錫瑚綦嚴嘗曰我孺志完節汝身世...檢切毋爲我玷缺不但讀書爲文取科第已也錫瑚早遊庠食餼氏年已七十雖以至戚請見終不踰閭族鄰咸尊敬之

胡氏幼適雒川里民唐楷年二十六夫亡遺子士烜僅二

歲翁姑以家貧諭令再醮氏不從日以績紡爲生而衣食未嘗匱缺翁姑俱八十餘終而士灯固早夭如其父媳王氏亦隨姑守志勤鞠二子人以爲難

楊氏監生唐藻妻福田鄉介福里人年二十八夫死子文琦文言俱幼氏守志堅篤翁老性卞急曲承其意事姑如母教子以讀書敦本爲務後俱有成

盤氏諸國錫妻馬鞍嶺人年二十八國錫故無子氏撫姪世洲爲嗣翁性躁急氏承順無違同室有諍語氏者聞之不與較而獨居嘗飲泣久之亦皆服其撝順轉敬而愛之

龔氏鄧仁蘭妻辛樂洞人生子三恭方兩月仁蘭故氏時年二十四家無伯叔娣氏獨奉養翁姑營供羞膳族黨以孝稱之翁姑皆八十餘終氏素諳大義礪子以詩書

恭儲學不遇而子士杰以早歲列於庠氏年七十時邑令某以節壽永慶旌之

王氏姜廷颺妻上團里人廷颺早故遺孤清甫五齡時氏年二十八矢志守義孝事翁姑勤績紡以贍衣食幼知書訓子有程法清列邑庠孫培元例貢

蔡氏姜廷球妻上團里人年二十適廷球甫七月廷球逝氏誓身殉自縊者數以救免姑蔣年六十餘泣謂氏曰兒死若婦又死使我何堪也氏於是強起食息以姪國式嗣氏奉姑敬禮肫至教子勤劬有規制守節五十六年年七十五卒

王氏胡士祐妻城北存樸里人年二十八士祐沒氏哀悼幾絕時長子憲德僅數齡次懋德猶襁褓氏爲抑哀貶情

孀居撫迪後二子俱成名氏年七十時里人士賦詩製錦障以慶壽表其操行

陳氏胡彥修妻祖江墟人年十二歸胡十九而彥修故氏以舅姑無依矢志靡他無子未幾其族子仕詩生氏卽抱撫之哺以糕餌居則績紡出則種植百勞萃一身卒無悔恚舅姑終養仕詩亦成立凡守節四十二年年六十卒梁氏周金華妻祖江墟人年二十二金華沒子洵幼氏慨然自守養姑育子孝慈敕盡姑老病臥牀褥者四載氏扶侍湯藥不少離間則焚香祈禱姑病尋起年八十三乃終後氏年七十二卒孫三曾孫六

呂氏王茂深妻冷水市人茂深患足疾嘗臥牀褥氏晝夜侍藥膳未嘗離家貧氏嘗脫簪珥典衣以供療治如是凡十一年茂深竟不起守節撫孤日閉戶績紡以供餽粥子恒勳成立家亦漸起孫二

周氏廩生王垂禮妻冷水市人年二十九夫亡無出撫姪銘爲嗣獨處不出閨闈雖戚族莫得見事翁姑以孝著內外無間言遣銘讀書督責甚嚴銘列席氏卒年六十九守節四十一年

鄧氏王伯能妾順則里人伯能初娶翟無出年六十始納氏氏性恭順嫻內儀事伯能及嫡婦如父母生子僅三齡而伯齡沒氏時年二十四誓志撫孤素行端嚴非骨肉至戚不覲其面子竟成立氏年八十四終守節六十一年汪氏王師稷妻冷水市人師稷早逝氏時年十九矢志撫孤底於成立衣飾儉素言動不苟羣稱禮法之宗

黃氏優增生王玉佩妻冷水市人玉佩嘗夜讀氏篝燈紡績其傍相處如賓友年十九玉佩亡氏以夫苦學未捷棘闈嘗撫其遺書號泣不置時長子在館方五歲次在閣猶襁褓氏卒撫養成立行動準禮法綵絢不御嘻笑不聞於庭族黨稱之守節六十一年年八十無疾終

